

Publication: BeeldMetroNoord (Main)

Publication Date: 17 May 2017 Page: 7

AVE: 18468.96 Circulation: 45000 Part: 1 of 1

Woensdag 17 Mei 2017 Metro-Beeld-Noord

Sport

'Spoedfabriek' darem nog ligpunt in Pretoria

Wilhelm de Swardt

Jare gelede, en dit is werklik 'n hele paar jaar, toe die Blou Bulle nog geweet het hoe om wenrugby te speel, het Pretoria as die "slotfabriek" van Suid-Afrikaanse rugby bekend ge-

Wat deesdae op Loftus gebeur wanneer die Bulle speel, kan net met drie- en vierletterwoorde beskryf word, maar alles is darem nie vir Pretoria verlore nie.

Die hoofstad kan deesdae daarop roem dat hy die "spoedfabriek" van Suid-Afrikaanse atletiek is.

Vier van die vyf vinnigste manne op die oomblik in die land is Tukkies. Die manne se blitsige vertonings plaas hulle ook hoog op die internasionale ranglys. Die 9.92 sek. wat Akani Simbine vroeër vanjaar gehardloop het, is op die oomblik die tweede vinnigste in die wêreld. Thando Roto se tyd van 9.95 sek. is die derde vinnigste.

Die afgelope naweek het Emile Erasmus die 100 m in 10.08 sek. ge wen. As die vertoning van Frankie Fredericks, wat eintlik 'n Namibiër is, buite rekening gelaat word, beteken dit dat dié Tukkie maar die negende Suid-Afrikaanse naelloper is wat 'n tyd vinniger as 10.10 sek. gehardloop het.

Dié seisoen het net Simbine, Roto en Wayde van Niekerk vinniger tye as Erasmus in die 100 m gehardloop. Gift Leotlela, ook 'n Tukkie, is tans die vyfde vinnigste mans-atleet in Suid-Afrika met 'n tyd van 10.12 sek.

Tuks se naellopers het al vir verskeie eerstes dié seisoen gesorg. Simbine is die eerste plaaslike naelloper wat op een dag twee keer daarin kon slaag om onder 10 sek.-tye in die 100 m te hardloop. Simbine is ook die eerste wat op dieselfde dag die 100 m in 'n tyd vinniger as 10 sek. te wen en die 200 m in 'n tyd vinniger as 20 sek. Nie eens die legendariese Usain Bolt kon dit al regkry nie

Leotlela het die Suid-Afrikaanse junior rekord in die 100 m tot 10.12 sek. verbeter en Clarence Munyai het in die 200 m 'n nasionale junior rekord van 20.10 sek. opgestel.

Erasmus kan ook daarop roem dat hy fisies waarskynlik een van die grootste naellopers is. Hy is 1.93 m lank en weeg 100 kg.

Om dit in perspektief te stel kan genoem word dat Bolt 1.95 m lank is en 94 kg weeg.

Baie rugbyspanne sal wat wil gee om oor die dienste van so vinnige groot vleuel te beskik. Erasmus erken dat rugby sy ander groot liefde is en bieg dan ook dat die laaste paar jaar wanneer dinge op die baan net nie vir hom reg wou uitwerk nie, die versoeking daar was om sy spykerskoene vir rugby-"toks" te

Dit is net die liefde vir spoed wat hom daarvan weerhou het. Daardie ewige stryd teen die stophorlosie is vir Erasmus opwindend. Die keer dat hy van die wegspring tot die einde die perfekte wedloop kan hardloop, is 'n adrenalieninspuiting soos min. Saterdag se 10.08 sek. was so 'n oomblik.

Erasmus en sy afrigter, Frans van Rooven, is vol vertroue dat hy tot beter tye in staat is. "Ons het my hele afrigtingsprogram onlangs verander en dit wil lyk asof dit werk My wegspring is vir nou my sterkpunt as naelloper. Ons werk daaraan om te verseker dat ek my topspoed langer kan volhou.



